

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON / KANTON SREDIŠNJA BOSNA
KANTONALNO TUŽILAŠTVO / TUŽITELJSTVO TRAVNIK
Broj predmeta: T06 0 KT 0035977 24
Travnik, 17.03.2025.godine

OPĆINSKOM SUDU U TRAVNIKU

Na temelju odredbe članka 45 st. 2 točka i) i članka 241 st. 1 Zakona o kaznenom postupku Federacije Bosne i Hercegovine, podižem

OPTUŽNICU

Protiv:
H. K.

Što je:

Dana 13.08.2024.godine oko 22,30 sati, upravljajući motornim vozilom marke Golf IV registarskih oznaka J25 K 678, u mjestu Nova Bila, općina Travnik, na dionici magistralnog puta M-5 iz smjera Viteza u smjeru Travnika, na dijelu puta gdje je cesta prava i ravna, bez horizontalnih i vertikalnih krivina, protivno odredbama članka 44 stav 1 Zakona o osnovama sigurnosti prometa na cestama u BiH, vozeći nedozvoljenom brzinom od 83 km/h iako se trebao kretati dozvoljenom brzinom od 50 km/h, svjestan da time može ugroziti javni promet i dovesti u opasnost život ljudi ali je olako držao da do toga neće doći i da će posljedicu moći spriječiti, usljed čega, kada je oštećeni biciklista V. B. sa biciklom započeo prelaziti kolovoz magistralne ceste sa lijeve na desnu stranu nije mogao zaustaviti svoje vozilo već je prednjom čeonom stranom vozila ostvario kontakt sa desnom bočnom stranom bicikla uslijed čega je bicikl odbačen naprijed dok je biciklista oštećeni nabačen na poklopac motora, prednje vjetrobransko staklo i krov vozila, a zatim uslijed smanjenja brzine odbačen na kolovoz ispred vozila Golf uslijed čega je oštećeni V. B. zadobio teške ozljede glave u vidu prijeloma ljuske lijeve sljepoočne kosti te lijevog orbitalnog nastavka čeonke kosti kao i trupa i velikih krila klinaste kosti lobanje sa evidentnom oguljotinom kože i krvnim podlivom u lijevoj sljepoočnoj regiji, krvarenje oko malog mozga i oko moždanog stabla i izraženim oticanjem mozga sa uklještenjem tonzila malog mozga u veliki otvor zatiljne kosti kao i masivnijim krvarenjem unutar moždanih komora koje su za posljedicu imale razvoj neurogenog šoka od kojih ozljeda je oštećeni preminuo u Hrvatskoj bolnici Dr. Fra Mato Nikolić u novoj Biloj gdje je povrijeđeni prebačen radi pružanja medicinske pomoći i pokušaja reanimacije.

Dakle, kao učesnik u prometu na putevima nije se pridržavao prometnih propisa čime je prouzrokovana smrt jedne osobe

čime je počinio kazneno djelo Teška kaznena djela protiv sigurnosti javnog prometa iz članka 336 st. 4 u vezi sa člankom 332 st.3 KZ F BiH.